



Inatsisartunut ilaasortaq
Peter Olsen
Inuit Ataqtigiiit

§ 37 naapertorlugu apeqqutinut akissutit nr. 104/2023 – najugaq qimannagu isumaginninnermut siunnersortitut ilinniagaq pillugu

28-06-2023
Sagsnr. 2023 - 3471
Akt nr. 23104112

Asasara Peter Olsen

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Inatsisartut suleriaasiat naapertorlugu apeqquteqarninnut qujanaq. Taakku ataan akissuteqarfigissavakka.

Apeqqut 1: *Najugaq qimannagu isumaginninnermut siunnersortitut ilinniarsinnaaneq pilersinneqassagaluarp at nunatta karsianut qanoq naleqassava?*

Akissut: Najugaq qimannagu isumaginninnermut siunnersortitut ilinniagaq sumiiffiit marluk arlaanni pilersinneqarsinnaavoq, tassa Perorsaannermut Ilinniarfimi imaluunniit Ilisimatusarfimi. Perorsaannermut Ilinniarfik ilinniakkanik marlunnik neqerooruteqareerpoq, tassaasut Siunnersuineri ikiortitut ilinniagaq aamma Perorsaasumut ikiortitut ilinniagaq, isumaginninnermullu siunnersortitut ilinniagaq atuutereersoq Ilisimatusarfimmit neqeroorutaalluni. Isumaginninnermut siunnersortitut ilinniakkap sumi inissisimaguni naleqqunnerpaajunissaa ilinniarfiit marluusut akunnerminni maanna oqaloqatigiissutigaat.

Ilinniagaq pitsaasuussappat ilinniarnermik aqqissuussineq peqqissaartumik pia-reersagaasimasariaqarpoq. Ilinniarnermik aqqissuussinerup taamaattup qanoq aningaasalersugaanissaa taamaalilluni naatsorsorneqarsinnaassaaq. Ilinniarnermilli aqqissuussineq amigaataasoq aningaasalersornissaanut pisariaqartinneqartunik missingersuigaluaaraanni, taakku ilinniakkap pitsaasuunissaanut naatsorsuutigeriigaanngitsunik aporfissiisinaapput. § 37 naapertorlugu siusinnerusukut apeqqummut akissutaasimasumi (017/2023) missingersuutigineqarput ukiutum 6-10 mio. kr.-it, tassa ilinniagaq tamakkiisumik atuutsinneqartillugu. Tamannarpiq pissutaavoq, najugaq qimannagu isumaginninnermut siunnersortitut ilinniakkanik pilersitsineri aningaasartuutissat qanoq amerlatigiumaarnernik Naalakkersuisut taamak sivikitsigisumik piffissaqarlutik erseqqissumik akissuteqarsinnaannginnerannut.

Apeqquut 1a: *Ilinniartut quliuppata aningaasatigut kingunissai nassuiaqquneqarput.*

Akissut: Apeqquut 1-imut akissut takuuk.

Apeqquut 1b: *Ilinniartut 20-iuppata aningaasatigut kingunissai nassuiaqquneqarput.*

Akissut: Apeqquut 1-imut akissut takuuk.

Apeqquut 2: *Najugaq qimannagu isumaginninnermut siunnersortitut ilinniarneq Isumaginninnermut ilinniarfimmuut qanoq sunniuteqassava?*

Akissut: Najugaq qimannagu isumaginninnermut siunnersortitut ilinniakkamik Perorsaanermut ilinniarfimmuut pilersitsisoqassappat tamatuma kingunerissavaa suliaqarfiup iluani ilinniakkat eqiterunnerulernissaat, ilutigisaanilli aamma kingunerisinnaallugu inissaqarniarnikkut ajornartorsiuteqalernissaq. Sulisoqarnikkut aningaasatigullu kingunerisassai itinerusumik erseqqissarneqarsinnaassappata ilinniarnermik aaqqissuussineq pigineqareertariaqarpoq.

Apeqquut 2a: *Sulisoqarnikkut sunniutissat nassuiaqquneqarput*

Akissut: Apeqquut 2-mut akissut takuuk.

Apeqquut 2b: *Ilinniarfiup aningaasaqarneranut sunniutissat nassuiaqquneqarput*

Akissut: Apeqquut 2-mut akissut takuuk.

Apeqquut 3: *Tassunga tunngasumik Naalackersuisut allamik oqaasissaqarnerpat?*

Akissut: Naalackersuisut allamik oqaasissaqanngillat

Inussiarnersumik inuulluaqqusillunga



Aqqaluaq B. Egede



Inatsisartunut ilaasortaq
Peter Olsen, Inuit Ataqtigiit

Najugaq qimannagu isumaginninnermut siunnersortitut ilinniagaq pillugu apeqquteqaammut § 37-104/2023-mut akissuteqaammut annertunerusumik nassuiaat

03-10-2023
Sagsnr. 2023 - 21035
Akt nr. 23309308

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Asasara Peter Olsen,

Apeqqummut 104/2023-mut akissummut atatillugu apeqqut 1-imut ilassutitut makkuninnga akissutissaqassaanga.

Apeqqut 1: Najugaq qimannagu isumaginninnermut siunnersortitut ilinniarsinnaaneq pi/ersinneqassagaluarpad nunatta karsianut qanoq na/eqassava?

Akissut: Akissuteqaammut § 37 nr. 104/2023 -mut najugaq qimannagu isumaginninnermut siunnersortitut ilinniagaq pillugu peqqummi siullermi "Najugaq qimannagu isumaginninnermut siunnersortitut ilinniarsinnaaneq pilersinneqassagaluarpad nunatta karsianut qanoq naleqassava?", akissutigisami nalunaarneqarpoq: *"Missiliut siusinnerusukkut § 37 naapertorlugu akissutigisami (017/2023) ersersitsivoq 6 – 10 mio. kr.-inik ukiumut, ilinniartitaaneq tamakkiisumik atortuulersinneqarluni ingerlanneqaleraangad akeqartartut"*.

Matumuuna erseqqissarneqassaaq ukiumi ataatsimi ilinniartoqatigiinnut ataatsinut aningaasartuutaasartut 1,5 – 2,5 mio. kr.-it missaanniimmata.

Apeqqutip siulliup akissuteqarfiginerani § 37 nr. 104/2023-mut atatillugu tunngaviusutut aallaavigineqarpoq ukiumut ilinniartoqatigiinnik holdinik nutaanik ukiumoortumik aallartittoqartarnera, taamalu ilinniartitaanerup ukiut sisamat qaangiunneranni tamakkiisumik atuutsilersinneqarnerani, tamatumani lu aamma ilinniartoqatigiinnik nutaanik ilinniartitaanermi aallartitsisoqartareernerani, taava ilinniartitaanermut aningaasartuutit, tamatumani aamma ukiumoortumik holdit nutaat aallartittartut ilanngullugit, ukiumut aningaasartuutit 6-10 mio. kr.-it akornanniittassasut.

Inussiarnersumik inuulluaqqusillunga


Aqqaluq B. Egede